

# Dienelkander



## Nuusbrief van die Gereformeerde Kerk Potchefstroom-Oos

20 September 2015

### KERKGROEI FOKUSTYD - WEEK 2: BEKEER!

#### OGGENDDIENS: Ds. Karel

Ons vier vandag met groot dankbaarheid Nagmaal en lidmate van ander gemeentes wat aansoek gedoen het om saam met ons die Sakrament te gebruik, word hartlik daartoe uitgenooi.

**Skriflesing:** Genesis 49: 1-2, 5-7 (Lees ook '33/53-vertaling)

**Fokusverse:** Genesis 49:5-7

**Tema:** Bekeer! En beleef die genade om God te mag dien!

Ons sit vanoggend, terwyl ons aansluit by die Kerkgroei Fokustyd, ons reeks voort oor Genesis 49. Vanoggend staan ons stil by die seën wat Jakob vir Simeon en Levi toesê. Ons gaan die volgende drie vrae antwoord:

1. Wat leer ons van God in Simeon en Levi se lewensgeskiedenis?
2. Wat vra dit van ons?
3. Wat is die gevolg?

Wanneer ons saam hierdie antwoorde gaan soek, gaan ons besef dat God vir ons onbeskryflike groot genade gee deurdat ons Hom mag dien, ten spyte van die feit dat ons ons vryheid op ander plekke en in ander persone soek. Maar juis hierdie belofte van God se onbeskryflike genade, beweeg ons om ons vryheid in Hom te soek en te bekeer.

#### Ontmoetingsdiens

Intreelied: Ps. 42-1: 1, 4, 5; Votum; Seën; Loflied Ps. 145-1: 1, 2, 5, 12; Geloofsbelijdenis (Nicea)

#### Verootmoedigingsdiens

Wet (as deel van die Nagmaalsformulier gehanteer); Gebed

#### Woorddiens

Skriflesing; Sing: Ps. 34-1: 7, 8; Woordverkondiging; Gebed; Nagmaalsbediening; Tydens voorbereiding van die tafel: Sing Sb. 3-3: 1, 4, 6; Aan tafel: Sing Sb. 5-3:1, 4, 5

#### Antwoorddiens

Gebed; Liefdegawes; Danklied Lied 241: 1, 2, 3; Seën; Amenlied Sb. 13-2.

#### AANDDIENS: Ds Piet

**Skriflesing:** Eksodus 1: 1 - 2: 10  
Handelinge 7: 17 - 22  
Hebreërs 11: 23

**Teks:** Eksodus 2: 1 - 4

**Tema:** Moenie dat vrees jou lewe beheers nie, tree met geloof in God en vaste vertroue in die toekoms op.

Baie mense, waaronder ook ons eie jongmense en kinders, sien nie meer 'n

toekoms vir hulleself nie! Vrees het baie mense se lewens begin beheers! Ons is bang vir die toekoms, bang vir geweld, bang vir misdaad, ja, bang vir alles. Ons kinders glo nie meer dat daar vir hulle 'n toekoms in ons land is nie en ons ouers praat hulle hierin voor.

Kyk 'n mens na die situasie waarin die gelowiges in Egipte verkeer het, sien mens baie ooreenkoms met ons situasie van vandag: rassisme, vrees, geweld, misdaad en uitbuiting! Daar was vir die Israeliete in Egipte menslike gesproke geen toekoms nie.

Maar....net een gesin se gelowige optrede, net een gesin se vertroue op God, een gesin wat nog in die toekoms geglo het, een gesin wat God gebruik om die toekoms van die hele volk te verander! Ja, dit vra net een gelowige, een gesin se geloof en vertrou in God om die toekoms te verander! Ons moet ophou dat vrees ons lewe beheers en weer met vaste vertroue in God glo en in geloof optree en die toekoms met vertroue in God se hande laat.

### Vooraf sang

Ps. 93-1: 1, 2, 4 (Mel Lied 582) en  
Ps. 48-1: 1, 5

### Ontmoetingsdiens

Intreelied: Ps. 125-2: 1, 3, 4 (Mel Sb. 18-6);  
Votum; Groetseën; Loflied: Ps. 98-1: 1, 2;  
Gebed

### Woorddiens

Skriflesing; Woordbediening

### Antwoorddiens

Sing Ps. 46-1: 1, 4, 6; Liefdegawe; Reaksie van / toepassing deur gemeente; Gebed vir BnB; Sing Sb. 14-2: 1; Seën; Amenlied Sb. 13-3.

### MEELEWING

- Rina van Deventer (Groep 19 - 0832 584 802) het 'n knievervanging in Pretoria ondergaan.
- Tannie Kosie Kruger (Groep 2 - 082 359 4474) is ontslaan en bly nou in Huis Anna Viljoen.
- Oubaas Boltman (Groep 11 - 082 554 9731) is nog steeds in die ISE van Krugersdorp Privaat Hospitaal. Hy ervaar baie swak bloeddruk en word al hoe swakker.
- Tannie Marie du Plooy (Groep 14 - 072 735 6377) word steeds in Medi-kliniek vir infeksie behandel. Dit gaan darem beter met haar.
- Esta du Plooy (Groep 33 - 082 532 3510) het die afgelope Woensdag 'n heupvervanging ondergaan in Mooimed.
- Martie Schoeman (Groep 24 - 082 920 7082) het 'n skoueroperasie gehad en sterk reeds tuis aan.
- Pieter en Estette Bredenkamp (Groep 23 – 082 879 7507) se oudste seun is ernstig siek in 'n hospitaal in Johannesburg.
- Br Jorrie Jordaan se troosdiens vind moreoggend om 11:00 plaas. Ons bid tannie Ina en haar kinders die troos van die Here toe.

**Ons bid dat die Here spoedig beterskap, herstel en troos sal gee.**

### BAIE GELUK

Alfrieda Pretorius het 'n kleindogter ryker geword!

### ONS DANK DIE HERE

Therina van der Westhuizen, wat al vir 'n geruime tyd weens siekte sukkel met erge pyn, het getuig van die krag van gebed. Nadat die dokters al raadop was oor die feit dat hulle nie werklik enige iets vir haar kan

doen vir die pyn nie, het die pyn om een of ander rede gewyk. Sy skryf dit toe aan die genadige ingryping van God en die feit dat Hy ons gebede verhoor. Ons loof die Here saam met haar en Martin!

### **ONS DINK OOK AAN DIE VOLGENDE LIDMATE WAT SUKKEL MET SIEKTE OF SWAK GESONDHEID**

Srs Sannie Reyneke, Filina Coetsee, Marianne Kruger, Bettie Ras, Janet vd Walt, Hester Buys, Kosie Kruger, June Kruger, brs. Isak vd Walt, Tjaart Snyman en br Fanie Bezuidenhout.

### **ONDERSTEUNING VIR SIEKES**

**Vir ondersteuning of besoeke deur die hospitaalbesoeke-diensgroep, skakel hierdie week vir:**

[siekies@oosdoppers.co.za](mailto:siekies@oosdoppers.co.za) of

Em Volschenk (082 564 1940)

### **KONTAKBESONDERDE: PREDIKANTE**

Ds. Piet: 018 290 5635 / 082 779 1237

Ds. Karel: 018 294 3067 / 072 476 8794

### **SOSIALE MEDIA VIR ONS GEMEENTE:**

**Webblad:** [www.oosdoppers.co.za](http://www.oosdoppers.co.za)

**Facebook:** [www.facebook.com/oosdoppers](https://www.facebook.com/oosdoppers)

Ons wil ook graag 'n vriendelike versoek rig, dat u nie op die gemeente se elektroniese sms-stelsel terug antwoord nie, maar asb die kerkkantoor bel of e-pos stuur, aangesien dit 'n rekenaar-sms is.

### **AFKONDIGINGS**

#### **Vandag**

09:00 Gebedsgroep

09:30 Nagmaal

Tee en Koffie

Geen Kleuterbediening

Geen Katkisasie (dit beteken nie die kinders hoef nie die erediens by te woon nie.)

18:00 Aanddiens

### **Maandag**

Geen Katkisasie

### **Dinsdag**

06:00 Manne Ondersteuningsgroep

Geen Katkisasie

18:30 Vergadering: Belydenisklas met ouers

### **Woensdag**

Geen Katkisasie

10:00 Kleingroep 39 in Elim

### **Donderdag**

Erfenisdag - kerkkantoor gesluit

### **Vrydag**

Skoolvakansiedag - kerkkantoor oop

### **KERKGROEI BEDIENING FOKUSTYD 13 SEPT - 25 OKT**



Ons gemeente neem deel aan die landswye Fokustyd wat deur die Deputate vir Kerkgroei Bediening (voorheen Omkeerstrategie) aangebied word. Die fokustyd werk op dieselfde basis as wat ons eie fokustye die afgelope jare gewerk het. Ons begin die week met 'n preek oor die tema van die week. Lidmate volg met huisgodsdienst die riglyne in die boekie en kleingroepe bespreek daardie week die kleingroep tema.

**Hierdie week se tema: BEKEER!**

Fokustydboekie is beskikbaar by  
<http://www.kerkgroei.co.za/fokusboekie.html>.

Gaan kyk geruys ook op die Deputate Kerkgroei se webbladsy vir verder inligting by

<http://www.kerkgroei.co.za/gebeurtenisse.html>

## VERJAARSDAE

**Baie geluk aan almal wat DV hierdie week verjaar!**

**Sondag, 20 September**

Sr Annelie Pheiffer	082 902 0972
Br Wikus v Niekerk	082 824 1839

**Maandag, 21 September**

Br Dries Schutte	082 339 5547
------------------	--------------

**Dinsdag, 22 September**

Br Marcell Kruger	082 905 4928
Br Orrie Oosthuizen	082 466 2745
Sr Anrie vd Schyff	083 456 2938

**Woensdag, 23 September**

Sr Marianne Kruger	071 387 9321
--------------------	--------------

**Donderdag, 24 September**

Br Willie Pieters	082 824 5144
Sr Carolina Sharpley	076 199 8769

**Vrydag, 25 September**

Br Malan Schutte	082 892 2687
Sr Sarah-Ann Schutte	079 240 1259

**Saterdag, 26 September**

Sr Elma Leijenaar	082 398 2874
-------------------	--------------

## ANDER AFKONDIGINGS

- Liefdegawe vanoggend vir Barmhartigheid.
- Gawe by die deure vanoggend vir die Voorsieningsfonds.

- Gawe volgende Sondag vir Streeksinode: Sustentasie.
- Vrywillige bydrae vir voertuigsekuriteit in die bussies by deure.
- Diensbeurte: Groep 1 en 2.

## KENNISGEWINGBORD

- Ruim gesinswoning in Bailliepark te huur: Roelf Botha 082 840 6974
- Eenmanwoonstel vanaf 1 Des beskikbaar. Skakel 079 842 2535
- Rivier-toer 2-6 Desember. Alle Hoërskoolleerders
- Opsoek na iemand om dame in ouetehuis te besoek en voor te lees.

## GAWEVEILING - 'n GAWE AAND GEWEES!

Baie dankie aan almal wat met soveel entoesiasme deelgeneem het aan ons Gaweveiling. Dankie vir al die gawes wat geskenk is deur groot en klein - dit was 'n wonderlik uiteenlopende lys met 'n klomp heerlike verrassings! Ons is dankbaar vir al die gawes wat verkoop is - sommige groter winskopies as ander, maar ons is dankbaar vir elkeen. Baie dankie aan ons Gaweveiling-komitee vir al die reëlings en die susters vir die heerlike gemeente-ete wat hiermee saam bedien is. Dalk maak ons oor 'n paar jaar weer so.

## BELYDENISKLAS GROBLERSHOOP UITREIK

Die belydenisklas sien al sommer baie uit na hulle jaarlikse uitreik! Anders as in die verlede, gaan ons hierdie jaar nie Botswana toe nie, maar wel Groblershoop toe om daar ondersteuning aan die Cornelius Bediening te gee. Hierdie jaar vind die uitreik plaas van 3 tot 9 Oktober. Ons weet dat die hele gemeente in hierdie jongmense se

opgewondenheid deel en daarom vra ons weer met vrymoedigheid die gemeente om hulp. Om `n suksesvolle uitreik te hê, benodig ons nog die volgende:

- `n Kombi of soortgelyke voertuig.
- 2 Kamp-yskassies
- Koekies en beskuit
- Voorbidding en gebedsondersteuning

Dankie aan almal wat reeds op die oproep vir hulp gereageer het. Ons waardeer dit ontsettend baie!

Die belydenisklas het reeds `n paar rand ingesamel met die hamburgerverkope, maar kontant skenkings sal baie help om die kostes te dek. Indien jy met enige van hierdie items kan help, kontak asseblief vir ds. Karel

### **GEMEENTESAMEKOMS EN RUGBY 3 OKTOBER**

Die diakonie wil graag alle kleingroepe uitnooi vir `n kleingroep potjiekos-kompetisie, wat plaasvind Saterdagmiddag 3 Oktober. Daarna kan ons saam kyk hoe Suid-Afrika vir Skotland aanpak. Daar word ook aktiwiteite vir die jeug beplan.

Hou asb die Dienelkander dop vir enige verdere inligting of kontak:

Faan by [faan.oelofse@gmail.com](mailto:faan.oelofse@gmail.com)

### **AMANDELBLOEISELS**

Die Amandelbloeisels het saam met Prof. Floor sy 92ste verjaarsdag gevier. Ons het gesellig saam tee gedrink en gekuier. Baie dankie aan Turkstra Bakkery vir die mooi verjaarsdag koek wat hulle geskenk het. Rina Snyman het `n pittige stukkie voorgelees oor die wel en weë van `n predikant.

Ds Piet het geopen en ons bemoedig om op die Here te vertrou in hierdie moeilike tyd waarin ons en ons land ons tans bevind.

Hy neem uit Exodus 1:8 die Israeliete se verdrukking onder Koning Herodes, hulle vinnige vermeerdering en verspreiding oor die land, wat Herodes begin vrees het, vir `n teenaanval. Die koning maak drie planne om die getalle te verminder. Hulle moes onder dwang al die slawe werk in Egipte doen.

Die vroedvroue moes Israelitiese seuntjies wat gebore word, doodmaak. Maar hulle het dit nie gedoen nie uit vrees vir die Here. Hy seën hulle daaroor en hulle vermeerder nog steeds. Toe laat hy alle pasgebore seuntjies in die Nyl gooи. Moses word gebore en weggesteek, totdat die Farao se dogter hom aanneem as haar seun. Na 80 jaar kom Moses terug op God se bevel, hy moes die Israeliete verlos uit die slawerny van Egipte en uitlei na die beloofde land. Ons moet dus nie in sak en as gaan sit in ons situasie nie, maar ons vertroue op die Here stel. Hy regeer en Sy wil sal geskied ten spyte van die oormag van die verdukkers en wêreld magte. Deur die geloof in God sal ons verlos word en so die belofte van `n Ewige Lewe verkry.

Dit is ook met groot hartseer dat ons van Jorrie se afsterwe verneem het, daar ons nog Woensdag gesellig bymekaar was. Ons bid vir Ina en haar familie die troos van die Heilige Gees toe.

## CANSA PROJEK (Voorheen Toktokkie)



### Lieve Gemeente

Ons loods ons projek vir CANSA tot einde Oktober. Elke gesin sal in die tyd 'n koevert kry waarin julle bydraes kan lewer. Vra gerus ook vir jou kollegas by die werk, familie en vriende. Kom ons poog om met hierdie projek die hele gesin te betrek. Dit is 'n instelling by ons Oosdoppers om jaarliks 'n mooi bedrag in te samel vir CANSA en ons vertrou dat ons dit weer hierdie jaar sal doen.

Wanneer julle bydraes gereed is, plaas asb die koevertjie in die kollektesakkie of in die kluis. Vir enige verder navrae praat gerus met Odelia Venter wat aan stuur staan van hierdie projek. Haar sel: 0832901572.

### GEBED VAN AUGUSTINUS

#### U wat my gemaak het, sal my ook óórmaak.

"O Here, U skep in my die wil, die nood, om  
U te soek.

Draai my om, sodat ek in u rigting kyk.  
Here, U het my nie verlaat soos ek so  
dikwels met U doen nie.

Ek bly op al my dwaalweë tog altyd bewus  
van u teenwoordigheid êrens naby my, in  
my.

Hier kom ek, Here, na wie anders sal ek  
gaan, wat my nie sal verwyt, of sal wil  
terugbetaal nie, wat selfs die tranen van my  
oë afvee?

Skepper-God, ek weet dat U wat my gemaak  
het, my ook sal óórmaak.

O Gees en Trooster, ek weet dat U my sal  
troos al is dit ek wat U in die steek gelaat  
het.

Here, God van liefde, dankie dat U my hoor.  
Here, verander my hart sodat ek U waaragtig  
sal liefhê.

Amen"

### GEBEDE VIR BEDIENING NA BUITЕ -DIE SAAIER-



#### Afganistan:

Bid vir vrede en politieke  
stabiliteit in hierdie land. Bid vir die bietjie  
Christene in hierdie land wat hulle geloof  
onder moeilike omstandighede moet uitleef.

#### Pakistan:

Bid vir die vertaling van die Ou Testament in  
Pashto en vir al ons programme om die  
betrokkenheid van ons mense by die Bybel  
aan te moedig.

Bid onder andere vir on Bybelvasvra en  
Bybelse kuns- en sportfees wat jaarliks  
aangebied word. Bid vir die veiligheid van  
ons personeel.

#### Iran:

Bid vir blyende vrede in hierdie land. Bid  
veral vir die klein groepie Christene in die  
land, dat hulle, ten spyte van moeilike  
omstandighede, staande sal bly in hulle  
geloof. Bid dat deure vir Bybelverspreiding  
sal open.

# Susters



## Hand 2 : 46 - 47a

*"Hulle het almal elke dag getrou by die tempel bymekaar gekom, van huis tot huis die gemeenskaplike maaltyd gehou, hulle kos met blydschap in alle eenvoud geëet en God geprys."*

### **Dankie aan elke suster vir haar dienswerk in ons Here se kerk**

### **TEESKINKGELEENTHEID**

Tee word vandag in die Skuur bedien onder die leiding van Susan Vorster (groep 3);  
Estelle v Hamburg (groep 18) en Carina Smits (groep 33).

Baie dankie aan die groepsusters en hul groepe se susters en broers wat met die skink en opwas help! **Ons moedig susters en broers aan om te kom help met die skink en opwas - so leer ons mekaar en ons nuwe groepe beter ken!**

### **SUSTERSBYDRAE**



Kyk gerus uit vir ons **bruinkoevert waarin jy jou sustersbydrae kan sit en in die kluis kan goo!** (Beskikbaar op die tafel in die kerk se portaal en ook in die skuur se portaal).

Die susters se fondse word verkry uit elke suster se vrywillige bydrae (R150 per jaar) en die fondse wat geïn word tydens fondsinsamelingsgeleenthede. Hierdie geld word gebruik om uit te reik na minderbevoordele en daar word jaarliks aan verskillende verdienstelike instansies, hoofsaaklik in Potchefstroom, donasies gegee.

### **BAIE DANKIE AAN ONS BORG VAN DIE WEEK**

### **SCHOLTZ VERVOER DIENSTE**

- \*SKOONMAAK VAN TUINE EN WEGRY VAN TUINVULLIS
- \*WEGRY VAN BOUROMMEL
- \*VERVOER VAN MEUBELS

**WYNAND 083 607 0596**

Web: [www.scholtz-vervoerdienste.co.za](http://www.scholtz-vervoerdienste.co.za)

Email: [wynand@scholtz-vervoerdienste.co.za](mailto:wynand@scholtz-vervoerdienste.co.za)

# OOSDOPPERTJIES

## NUUS UIT DIE BYBELKOERANT

### GODSMAN VERTREK OM SY SEUN TE OFFER

BERSEBA. - Die bekende en eerbiedwaardige handelaar, Abraham seun van Tera, het eergister te midde van groot spanning hiervandaan na 'n onbekende bestemming vertrek. Hy het net sy seun Isak en 'n paar slawe saamgevat. Volgens ingeligte bronne na aan die gesin, het hy 'n opdrag van God ontvang om die seun te gaan offer op 'n plek wat God hom sal wys.

Lesers sal onthou dat ons 'n tyd gelede berig het oor die opspraakwekkende geboorte van die einste seun. Wat ons destyds nie vermeld het nie, is dat Isak gebore is nadat God herhaaldelik beloof het dat Hy aan Abraham en Sara 'n nageslag gaan gee. Die egpaar het uiteindelik 25 jaar lank op hierdie beloofde kind gewag. Dit is dus te begrype dat hierdie opdrag om die seun te gaan offer, as 'n groot skok gekom het.

Sara, Abraham se vrou, was nie vir kommentaar beskikbaar nie. Sy is glo ongesteld en het haar in haar tent teruggetrek en laat niemand naby haar toe nie.

Lees hiervan in Gen. 22: 1-19.



### GEDAGTE VIR VANDAG!

Kinders van God is soos takke aan 'n boom, almal groei in verskillende rigtings, maar ons wortels bly as een.